

2023

MIZO

(Modern Indian Language)

Full Marks : 100

Pass Marks : 33

Time: Three hours

The figures in the right hand margin indicate full marks for the questions.

Zawhnate hi chhang vek rawh.

UNIT – I

(Prose)

(25 Marks)

1. 'Keipuiin a no a thlah ngai lo' ti tu kha tu nge ni? A silai hming kha eng nge ni ? 2
2. Pi leh Puten Pathian hming chi hnih an neihte kha zia k rawh ? 2
3. Lallula Sailo kha eng vangin nge Thlanrawn Pawi ho khan an rawt chiam ? 2
4. Awithangpa hming tak sawi la, a thih kum zia k baw k rawh. 2
5. HIV lam pum leh STD lam pum zia k rawh. 2
6. Hman lain ramhuai hi khawiah nge awm duh bika an rin ? 2
7. Fano Dawi hi eng malsawm dilna nge ni? Kum khatah vawi engzat nge an neih thin ? 2

P.T.O.

8. Khawhring hi thlarau sual nge thlarau tha? 1
9. Thlarau chi hrang hrang laka chi hnih chauh chipchiar takin han ziaak teh. 4
10. Pathian hnena inthawina chi li (4)te sawi fiah rawh. 6

UNIT – II

(Poetry)

(20 Marks)

11. 'Luaithli' tih hi eng sawina nge ni? 1
12. Damhauhva n ka phur zo lo a tih te pahnih kha eng te nge ni? 2
13. Lalzuithanga n tute thlarau iangin leh en ganga chan nge a duh? 2
14. 'Ran thleng leh ting anchhia' bak a thil dang inzawm ve kha eng te nge ni? 2
15. Enna Nunnem hla phuahtu leh Mizo tawnga letlingtu hming ziaak rawh. 2
16. 'Aw Ropui Ber, Halleluiah' tih hla substance ziaak rawh. 5
17. Rokunga' n fahrahte a lainat dan leh an tana eng tih sak turin nge min duh ziaak rawh. 6

UNIT – III

(Reading)

(20 Marks)

(He thu hi ngun takin chhiar la, a hnuaia zawhnate hi chhang rawh)

- I. Mihringte hi eng hna pawh thawkin zir ila, rim taka thawk a inzir reng tur kan lo ni. Thawhrimna tello chuan hlawhtlinna hi a awm lo tih hi Mizo thanghart

hangtharte hian kan hre ta lo em ni a thih theih awm e. Zirnaah pawh hian rim tak leh taima taka zir thin chuan hlawhtlinna an changing dinhmun sang an lo chelh nge nge thin. Hnamdangin kan ramah thawh sen loh hna an hmuh laiin, a ram neitu, Mizote n hnathawh tur kan hmu zo lo hi chu thil mak tak a ni.

Hei hian kan hnam dinhmun chu a hril Chiang hle, sorkar hna lo chu hna-ah kan ngai lo tihna a ni. Mihring kan pung zel a, mithiam kan pung zel bawk si, sorkar hna-in min daih tawh si lo, chutih lain kuthnathawh kan peih tawh si lo. Kan ram hmabak hi a eng lo khawp mai. Kan thalaite thawh tur nei lova an thut mai mai laiin ram pawn a tangin hnathawh tur an lo lut ruih ruih bawk si. A awmzia diktak chu hna thawh tur a tam, mahse hna hahtlak chu kan thawk peih lo tihna a ni. Central sawrkar chawmhlawm kan ni tih te hi zahna chang kan hriat hi a hun tawh hle mai. Kan thiamna phu tawh hna kan hmu lo a nih chuan inngaihtuah a ngai hle ang.

Mitinin hna kan thawh chhan chu kan nunna atan, kan mamawh lei nana hman tur kan neih nan a ni. Eng hna pawh, hna hniam emaw hna sang a ni emaw, sum kan hmuhna tur a nih phawt chuan rinawm tak leh taima takin i thawk ang u. Pathian pawh hian a thlawnin a fapa Lal Isua lo hi chu min pe lo. Kan mamawh zawng zawng hi kan thawhchhuah tura ruat a ni.

Thawhrimna tello-a intihchangkana hian hnam nun a timualphovin a tiderhawng a, pawisak neih lohnate a thlen a, ram kalsiam a ti thuan thu thin a ni. Thalai zawng zawngin changkang takin mobile hand-set man to tak tak an hum a, top-up man hi engtin nge an hmuh? Hengho hian an thawhchhuah a tanga an lei chu ni sela a lawmawm ngawt ang, mahse a ni vek awm si lo.

ZAWHNATE:

- | | |
|--|---|
| 18. Eng tel lovin nge hlawhtlinna awm thei lo? | 1 |
| 19. Hnam dangin kan ramah eng nge an hmuh? | 1 |
| 20. Kan ram hmabak hi a thim nge a eng? | 1 |
| 21. Pathianin eng nge a thlawna min pek? | 1 |
| 22. Mitin hna thawh chhan eng nge ni? | 2 |
| 23. Eng vang nge zahna chang kan hriat tur ni? | 2 |
| 24. A chung a thuziak khi a thupui tur siam la, chu thupui behchhan chuan a ziaktu sawi tum ni a i hriat thu tawi ziak rawh. | 4 |

II. Tharum huaisenna ringawt chu huaisenna dik ber a ni lo a, huaisenna chi dang, a nuamah emaw a hreawmah pawh huaisenna a awm leh a, chu chu tuar

chhelna hi a ni. Amaherawhchu tuar chhelna pawh chu taksa tana tha lo leh inhliamna nasa tak thlentu a ni thei bawk. Chuvangin chhia leh tha hriatna atanga thil hreawm leh hlauhawm hre chiang zeta tuar chhelna chu huaisenna dik tak a ni. Rannungte leh naupangte hian hlauhawm an hriat loh avangin huaisen an ni thei lo. Naupangin chemte hriam a khawihin, a huaisen vanga khawih a ni lo a, a hlauhawmzia a hriat loh vanga khawih a ni zawk. Kar a ni tih hre rengin, a huaisen vang main sakei chuan a tawn per mai ngai lo. Kristiana pawhin thir khaidiat a thlun a ni tih a hriat chuan sakeibaknei chu a hlau bik lo a, mahse a hriat hma a a hlauh vang ngawtin kan dem thei lo. Huaisenna dik chu hriatna hi a ni. Huaisenna hmelma lian ber chu dawizepna hi a ni; dawizepna hian rinawm lohna a hring si. A tawp berah chuan huaisenna chu dikna a din tlat leh thu dik tan tlat hi a ni.

ZAWHNATE :

- | | |
|---|---|
| 25. Huaisenna dik chu eng nge ni ? | 1 |
| 26. Tharum huaisenna hi a dik ber em ? | 1 |
| 27. Huaisenna chi dang, tharum huaisenna ni lo sawi rawh. | 2 |
| 28. Huaisenna hmelma ziak la, chu chuan eng nge a thlen sawi bawk rawh. | 2 |
| 29. A tawp ber atana huaisenna chu eng nge ni ? | 2 |

UNIT – IV

(Writing)

(25 Marks)

30. School Notice Board-a tar tur i lehkhabu (text book) hlui i zawrh thu han ziak the. 5
31. Vai rama lehkha zir i U hnenah lekhathawn pangai ziak rawh. 6
32. In veng kawng a chhiat em avanga siam a tulzia chanchinbua chhuah tur ziak rawh. 6
33. A hnuaia thupui thente hmangin "Tlawmngaihna" tih essay han ziak teh. 8
- (a) Akamkeuna
- (b) Tlawmngaihna : kan hnam zia
- (c) Tlawmngaihna pawimawhzia
- (d) Tlawmngaihna leh tunlai nun
- (e) A tlangkawmna

UNIT – V

(Grammar)

(10 Marks)

34. Zawngtah kunga sava chu Lala n a perh tla. 2
- Noun engzat nge awm, ziak thla rawh.

35. 'Chanchin' leh 'chan chin' tih hmangin sentence pahnih siam rawh.	2
DAHDIK RAWH	
36. <u>Nachin</u> / <u>Nichin</u> khan	1
37. Buh an <u>tuht</u> / <u>ching</u>	1
38. Kekawr ka <u>bun</u> / <u>ha</u>	1
39. Khutah <u>sawn</u> / <u>khuan</u>	1
40. Thla leh arsi te <u>khu</u> / <u>khi</u>	1
41. Saw laiah <u>chuan</u> / <u>sawn</u>	1
